

پیل ۱

ماریس ۹۲۷

صای ۱

فلسفہ و اجتماعیات

مجموعہ سی

مدیری

محمد روت

قیاطاش ایسہ سی فلسفہ و اجتماعیات
و تجارت مکتبی اقتصاد معلمی

مؤسی

آگاہ سری

استقلال ایسہ سی مدیری
وادبیات معلمی

بر صایرہ

- مقدمہ فلسفہ و اجتماعیات مجموعہ سی
- نظری قسم : « ایش » ک تعریفی حقندہ بر قاج نوط . . محمد روت
- مدرسی قسم : بیلکی موضوعی آرا سندنہ لسان راغب ہلوسی
- شکل نظریہ سی دو قنور اور خانہ سعد الدینہ
- دیوان ادبیاتی : کلہل و رنزلر آگاہ سری
- افلاطونک اجتماعی فکرلی ہامی منیح
- اتحار ہلمی ضیا
- ہندسہ نہ در ؟ رُدفنورہ
- نطبیقی قسم : ویرکو سیاستمز دو قنور عمر ہرول
- ایسہ و معلہ مکتبلرندہ اجتماعیات پروغرامی ہلمی ضیا
- تحلیل و تنقید قسمی : اجتماعیات : علی کامی م . م . ت .

مختلف مجموعہ لردہ منتشر مہم یازیلر

ادارہ خانہ : استانبول - جنرلی طاسہ - استقبول ایسہ سی داخلندہ دائرہ مخصوصہ

استانبول - مطبعہ ابوالضیا

خلیل و نقیب فسی

اجتماعیات ، مؤلفی: علی کامی « دارالشققہ مدیری واجتماعیات معلمی. » طابع وناشری : ابراہیم حلمی.

استانبول ۱۹۲۷ . ۳۱۹ صحیفہ . فیثاتی : ۶۵ غروش .

عیناً و حرفیاً تعقیب ایتمکده در . عجبا بوبرمزیتیدر ،
بیللم ، یالکز: کامی بک بوخصوصده جوق
متعصب کوزو کیورو . اربوجھتدن هیچ برخصوصیتی
احتوا ایتیور . (بومسئله بڑی مختلف جھتلردن
علاقہ دار ایدہ جکی ایچین فکرلر مزی آیربجه
یازہ جغز . بونسخه مزده حلمی ضیا بکک
« اجتماعیات مفردات پروغراملری » مقالہ سنہ
مراجعت) مؤلفک ایکنجی واساسلی براندیشہ سی ده
« ہم بھٹلرک بربرینہ قاریشماسی ، ہم دہ کیت
اعتباریلہ درس لر آراسندہ آرزوق معادلت
بولونماسی » در ؛ مع مافیہ بو آرزو ، کتاب
ایچہ او قوندق دن سوکرہ شویولده دھا دوغرو
افادہ اولونہ بیلیر : ممکن اولدینقی قدر مختصر
یازمق . فی الحقیقہ لیسہ لر ایچین یازیلہ جق
براجتماعیات کتابی آنجق بو قدر مختصر اولایبیلیر .
بونک نتیجہ سی : مع الاسف آنجق بو قدر
« معادلتسز » اولایبیلیر . دیمک ایستیورم کہ مؤلف ،
اجتماعیات کبی کنیش بر سر لوحہ نک محتویاتی
(۳۱۰) صحیفہ نک ایچنہ صیقیشدیرمق آرزوسنی
متوازن بر اثر وجودہ کتیرمک فکریلہ تألیف
ایتمہ نک ، آنجق مفصل بر تدقیق پلانی یازمقلہ
ممکن اولنہ بیلہ کفی تخمین ایدہ مہ مشدر .
عکسی تقدیردہ بر طرفدن « وطن و وطنپرورلک »
حقندہ سو بیلہ جک مثبت برشی بولا ما بجه
صحیفہ لرجه (ص . ۱۶۳-۲۷۳) « صرف
ادبیات » یامقی ، دیگر طرفدن دہ بو کونکی

علی کامی بکک اثری ، دارالفنون مدرسہ لرندن
عزت بکک ، یالکز سنہ باشندہ ایلک قسمی
انتشار ایدہن « یکی اجتماعیات درس لری » ندن
سوکرہ تألیف اولمق اوزرہ ایلک تجربہ در .
کامی بکک بو کتایبہ عزت بکک کندن دھافضلہ
دقت و اہمیت عطف ایتمکہ طرفدارز ؛ چونکہ
مؤلفی ، بالذات بودرسی ، مہین اولان رسمی
قادر و داخندہ او قومتمدہ در . بر مکتب کتابی
یازمق خصوصندہ - خاصہ بو کتاب ،
اجتماعیات کبی ہنوز ایلک تجربہ لری یالقلدہ
اولان بردرسہ عائد اولورسہ - بر قاج سنہ نک
تدریس تجربہ سی قدر قیمتلی پک آزشی تصویری
ممکندر ، ظن ایدرم .

فی الحقیقہ کامی بک دہ اثری یازمفہ کندیسنی
سوق ایدہن فکری بویلہ بر تجربہ یہ مدیون
اولدینقی سویلیور : « بویلہ بر درس کتایبک
اوروپامؤلفلرندن عیناً ترجمہ سی جائز اولامازدی .
بو بولده ترجمہ ایدیلش تورکچہ بر کتابک اوتہ سندہ
بریسندہ « بڑ فرانسز لر ... دہ باشلا یان
جھلر قارئلرہ نہ فنا تاثیر بر اقیور ! ... اقتصادی ،
عائلی ، حقوقی ، سیاسی و دینی ساحہ لر دہ
کندیمزہ ، کندی اجتماعات مزہ عائد اولان لری
اہال ایتمکہ چالشدق . » [مقدمہ]

بر مدخل ایلہ دورت قسم اوزرینہ
مرکب اولان کتابک ایچندہ بھٹلرک
توزیع طرزی ، رسمی مفردات پروغرامنی

تصور ایتمک یا کلسدر. اوزاق یاقین عائله اشکالی
 زمان و مکانه کوره آیری آیری تدقیق و آیری
 آیری تکاملنی تعقیب ایله اکتفا ایتمک مجبوریتنده یز. «
 (ص . ۸۴ .) بوسوز، اجتماعاتی انکار ایتمک
 دیمکدر. تاریخی ایله اجتماعاتی آراسنده کی
 کوروش فرقی ذاتاً بوتکاملی و تسلسلی رد و یا
 قبول ایله میدانه چیقار. نته کیم برآز آشغیده
 کامی بک اجتماعاتجیلغه تکرار باشلا یور :
 « عائله نك، شیمدی ده طانیه بیلدی کمز اک ابتدائی
 شکندن معاصر عائله به قدر بوتون صفحاتی
 تعقیب ایتمک ایجاب ایدر. ص. ۸۸. » بونوع
 خطالراوزرنده دهها فضله توقف ایدر بک دکلم.
 یالکوز کتابک ایچنده اک شایان تأثر برذهول
 اثرینی قید ایتمکدن کندی آلامیه جنم : کامی
 بک - برمتاد پروغرامه اتباعاً - اثرینک صوک
 قسمنده دین ، علم و صنعت آراسنده کی منشأ
 مناسبتلرینی آراشدیررکن بردن بره ، ناصل
 برغفلته قایل یور بیلیم، « تورکرده صنعت »
 سرلوحه سیله ده میرجیلک ، سلاجیلق، اوغجیلق
 الخ کی اقتصادی صنعتلردن بحثه باشلا یور .
 واقعا بو پارچه عیناً ضیا کوزک آلپک « تورک
 مدنییتی تاریخی » ندن آلمشدر؛ فقط بونک یری
 بوراسیمیدر؛ صنایع نفیسه ایله کوچوک صنایع
 آراسنده نه علاقه واردر ؛ بوراده - غزته چی
 تعبیریه سویلیه یم - کامی بک تام معناسیله
 « آتلامشدر . »

آرتق حکمیزی ویره بیلیرز : محترم
 مسلکدشم ، بعضی خطالردن واکسیکلردن
 صرف نظر ایدیلیرسه ای برنیتله وتمیز براسلوبله
 بر «مانوئل» میدانه چیقارمشدر. تورکجه مزده
 بویله بر اترک چوق استفادلی اولاجغنه قائم .
 شونی ده علاوه ایدیم که بو اترک ، متواضع
 برعمله محیطندن چیقماسی بزی آیریجه ممنون
 و مفتخر ایدر .

م. س.

اوروپا اقتصادیاتی قاورایه بیلیمک ایچین او قدر
 ولود و الهامکار بر موضوع تشکیل ایدن
 «قارنهل» و « تروست » مسئله سنه آلتی سطر
 (ص . ۸۹) حصر ایتمک کی خطالرك اوکنه
 کچمک پک کوچدر. نتیجه : کتابک مکتبلرده
 درس رهبری اولارق قوللانیله بیلیمسی بوجهتدن
 ممکن دکلدر؛ چونکه بوضورتله بر چوق مهم مسئله لر
 آنجق بک قیصه بر تماس ایدیلوب کچیلورمشدر ؛
 بویله بر کتاب طلبه به یاردیمچی اولمقدن دهافضله
 طلبه قارشیسنده معلمی، متمادیاً ایضاح مجبوریتنده
 براقق صورتیه ازعاج ایتمک یارار .

علی کامی بک ای بر مکتب کتابی یازمق
 ایچین مقتضی اسلوب شرائطنی حائز کوزو کویور.
 حتی برازدها ایلری به کیده جکم : علی کامی بک،
 شیمدی به قدر کوردیکمز نمونه لره نظراً یازی
 اعتباریه اک ای کتابی یازمشدر . کندیسینک
 صراقلی برقاره اولدیغندنده شبهه ایدیله مز .
 چونکه کتابک ایچنده جابجا کوریلن فائده لی
 معلومات ، محررک، اوکننده کی نمونه لر خارجه
 موفقیتله چیقاییلدیکنی کوستریور . کوچوک
 صنایعک ولونجه نك ظهوری حقنده کی قیصه
 معلومات ، مبدول اولان بومثالر آراسنده
 ذکر ایدیله بیلیر . فقط اعتراف ایتملی که بوانی
 وصفلرک یاننده بویوک براکسیکاک کندیسینی
 حس ایتدیریور : علی کامی بک ، بو ارنده
 - اکر تعبیر جائزه - Sens sociologique دن
 بر آزانحراف ایتمشدر . فی الحقیقه اجتماعاتی
 نه بر تاریخی، نه ده بر غزته چی کوزیله کورمک
 ممکندر. مختلف منبعلردن طویلانمش معلوماتی
 تلفیق ایتمک ایسه، آنجق اجتماعاتی کوروشیله
 ممکندر. اونک ایچندرکه مثلاً مؤلف، تاریخده
 کوریلن مختلف عائله تیپلری آراسنده کی چوق
 سیال و متنوع فرقلری قید ایدرکن کتابک
 ایچنه سویله برجه صیقیشدیرمقدن کندیسینی
 آلاماشدر : «مسلل دورلرده کی عائله اشکالی
 تکامل اجتماعی قانوننک مسلل حلقه لری کی